

Ateso - Aitajar Nukiwadikatai - Salvation Scriptures

Ipeson 2:2 nukolo kilosenenete kotoma, kwape ejaar epone loka akwapin kanu, kwape ejaar ekapolon loka apolou naka apak, emoyo loiswamakini kwana odwe luiulaka.

Matayo 6:10 Akonijakanut kobu. Nuikoto kiswamai kakwapin Kwape iswamaere kotoma akuj.

Luka 22:42 ebe, "Wu Papa, arai ikoto, kolema akoli na kamakanj; konye mere nuakoto eonj, dimarai nuikoto ijo kiswamai."

Yokana 16:7-9 Konye eonj kalimokini yes abeit; ejok kamakus arai kalot eonj, naarai arai mam alosi mam ebuni Ekayuunan mama ijaas; konye arai alosi ejukuni nes mamakus. 8 Kebu ηol, ilepilepi nesi akwapin kanuka aronis kaadolit, ka etube da. 9 Aronis, naarai mam keyuunito eonj;

2 Timoteo 2:10 Kanuka ɳun nes atitinjikino kere, kanuka luseuna, tetere kes da edumunete aitajario naejai toma Kristo Yesu nepepe kaibuses naka ikar kere.

IRomayon 15:20,21 kwabo alosikinit alimonokin Akiro Nukajokak, mere neelimoritere ekiror loka Kristo, kenyek adukokin apetetait naka icetuñanan, 21 konye kwape iwadikatere ebe, "Eanyunete ɳul lumam alimonokinitai akekiro, Ejenuñete da ɳul lumam iirarito."

Aswamisio 2:36,37 Aso kojen ekek kere loka Isirael kabeit ebe etarau Edeke nes Ejakait ka Kristo da, nes Yesu loipotu kibubukis." 37 Nakiirariata ɳun koditasi ikecetauon, kobalas Petero ka ikiyakia ice ebe, "Kekonakis ai, iinacan?"

Iburanian 4:2 Naarai oni da kilimonokinitai Akiro Nukajokak kwape kakesi; konye akirot nakiirarete mam abu koinu kes ajokis, naarai mam aponi kimorikikinai kotoma aiyuun nepepe kaŋul luapotu kiirasi.

Yeremia 24:7 Ainakini kes etaú lokajenun eonj, ebe Eoŋ EJAKAIT: kes da eraunos ikuñja, eonj da araun Ekecedeke: naarai eboŋunete mamakanj kikecetauon kere.

Aswamisio 16:14 Aberu, ekekiror Ludia, nakegwelanari iboro lumugeik, naka ere loka Tuatira, naeyonit Edeke, kopup sio: nakepukorit Ejakait eketau tetere ecoit akiro nuenera Paul.

Matayo 13:14,15 Ido itodolikino akirot naka enabi Isaia kamakec naebala ebe, 'Akiirar iirarete, konye mam ijenuñete cut, ido asesen isesenete, konye mam ianyunete cut. 15 Naarai esiepaikis itauon luka ituña kalu, Kiminjarito akiikec, Itumudakito akecekonye, Tetere mam eanyunete kakecekonye, Ka akiirar kakeceki, Ka ajenun da kikecetauon, Kibelokinos ketaŋaleu.'

Isaia 6:9,10 Kotema atiar, "Kolot, kolimok ituña lu ebe: "Kiiranarete, konye mam ijenuñete; Koanyuñunete da, konye mam imisiikinete. 10 Kitisiepaik itauon

luka ituña kalu, Kisimina akiikec, kitumudak akonyekec; Kinyeis aanyun kakonyekec, Ka akiirar da kakeceki, Kojenut kotauonokec, kibelokinos, konaleut.”

Marako 4:11,12 Kotema kes atiar, “Kiinakinitai yes ajenun aiyeiyea naka ajakanut naka Edeke; konye mama ejaas kwi luejaas kinja eraas kere awaragasia: 12 tetere aanyun eanyunete komam emisiikinete; akiirar da iirarete komam ejenunete; kinyeis aibelokin ka aisionio.”

Yokana 12:39,40 Kanuka ḥun ḥes mam kiyuuniata naarai enerit bobo Isaia ebe, 40 “Etumudak akecekonye, etininik ikecetauon, Kinyeis aanyun kakecekonye, kojenut kotauonokec, Ka aibelokin, ketanjaleu kes.”

IRomayon 11:7,8 Biai bo do? Ibore ḥin yenikemoot Israeł, mam edumuna. Luseuna apotu kodumut, konye ice kere aponi kitininkai, 8kwape iwadikatere ebe, “Abu Edeke koinak kes emoyo loka ajo, Akonye numam eanyunete, Aki da numam iirarete, Kiton apaaran naka lolo.”

2 ISesalonikan 2:10,11 ka aitapaar kere namam adolit mama ejaas ḥul lueoliorito, naarai mam apotu kocamut amin abeit, kosodete aitajario. 11 Kanuka ḥun ijukakini kes Edeke aswam naka apaar, tetere iyunete nuka aijal,

Matayo 13:18-23 “Aso kopupokisi awaragan naka ekayean. 19 Naiiraria ituñanan akirot naka ajakanut, komam ejenuni ḥes, ebuni lokaronon kourupo nukeyeitai otauke; ḥul kes lukeyeio ariri kerot. 20 Dul da lukeyeio ajanjam, ḥul kes luiirarete akirot, atipet kiyuutu kaiyalama; 21 konye emameete alias kotomakec, kicata nediosasilon, kedolokis ican arai areio kanuka akirot, atipet itiguinkos. 22 Dul da lukeyeio okukwa, ḥul kes luiirarete akirot, konye aiyaloijon naka ikar kalu, ka aijal naka abar koridakis akirot, mam eraa. 23 Dul da lukeyeio alup nuejok, ḥul kes luiirarete akirot ka ajenun; eraete ḥul, ice akwatat, ice akaisakanyake, ka ice da akaisauni.”

2 IKorinton 3:15,16 Konye kiton lolo naesiomenenere nuka Musa epesikina aimukoret otauonokec; 16 konye naibelonokinor tuñanan mama ejai Ejakait, elemario aimukoret.

Isaia 30:28 Esabit eiyenjaneke bala aleles nailapanar, Naedoli omurisiŋ, Aikeke atekerin kaikekeis naka amudiario: Aibwaikin abokonya nuka ituña amunyo naitapaari.

Kosea 11:3-7 Konye kesisianak Epuraim alosit; Katunite kes kakaninika; Konye mam apotu kojenut ebe etañaleu kes. 4 Kebwos kaunoi nuka etuñanan, kaeneta nuka amin; Kasubite kama ejaas bala ḥul luelacete arukana kabokonyakec, Kebwaik inyamat kakonyenokec. 5 Ebonorete kesi akwap nako Misiri; Konye eraun Eyasuriat ekabakakec, Naarai ajeroto aboŋun mamakan. 6 Edoikini ekileŋ oreriake, Enyami da atiketake kodau, Kanuka ainerunikec bonik. 7 Abolosi ikatuña itauon ajurusiar anyoun kaneajai: Karaida kenyaritai neejai ḥol loejai kuju, Mam idio da yenecamunit aitopoloor.

Aswamisio 26:18 aitwekenyun akecekonye, tetere ibelokinos ainyein amuton kesesenata aica, ainyein da apedor naka Satan kosesenata Edeke, kosodete adumun aisionio adiakanareta, ka airumet kokidin; kañul kaluitalaunitai kanuka aiyuun naejai tomakaj.

2 Timoteo 2:24-26 Ido mam ibusakinit ebulesit loka Ejakait ejie, dimarai araun loiyapepera mama ejaas kere, ekesianakinan, loetitijikin, 25 loicori kaiyapepera luirebirebete. Motoko einakini Edeke kes aitoronikin kodoloto ajenun cut abeit, 26 ido ikwaaros anyoun kotoma atacit naka Satan, kedau ñesi aikamun kes aswam nuekoto Edeke.

Apukokino 3:17-19 Naarai ibala ebe, Arai ekabaran, ido abarit, kwabo mam epuda ibore. Kwabo mam ijeni ebe irai lokican, lokitimitoi, loiwaritoi, emuduk, loimujalal da. 18 Aso ketetemikini jo ebe, kogwel kamakanj esabu loililiaunitai kakim, tetere ibari, ka inapen da lukakwanjak tetere inapi, kinyeis ileic luka amujalalakon atakanun, ka ekiya da lokinyonyoa akoneykon tetere ikwenyi. 19 Etoroni eon njul kere luamina, alecori da; aso kodunyak, kitoronikin da.

2 IKorinton 7:10 Naarai aiturur mama ejai Edeke iswamai aitoronikin, kiton aitajario namam iitokin, konye aiturur naka akwap iswamai atwanare.

1 Ikabakan 18:37 Kopupunoi eon, WU EJAKAIT, kopupunoi, kojenut ituña lu ebe ijo EJAKAIT irai Edeke, isibeloki da ikecetauon abonjun bobo.

2 IKorinton 4:4 Abu edeke loka ikar kalu kitumudak acoa naka lumam iyuunito kinyeis aanyun ailiya naka Akiro Nukajokak nuka aibuses naka Kristo, loerai aput naka Edeke.

Luka 8:11-15 Aso apolou naka awaragan ñes nata: Ekinyomit ñes akirot naka Edeke. 12 Kwi da lukariri kerot kes lukiirarete; kosodi ebuni Satan, alemar akirot kotaunokec, tetere mam iyuunete ka aitajario da. 13 Kwi da lukanjanjam kes lukiirarete kocamat akirot kailel; konye komameete alias, iyuunete nedioskilon, kosodete kapak naka acodunio etiakaros, 14 Kwi da lukedoete okukwa, kes lukiirarete, ido kelototo koridakinos aiyalonjon, ka abar, ka aiyalamana naka aijar, komam ititionete adioraito. 15 Kwi da luka alup nuejok, kes luka itauon luitenara luejok lukiirarete akirot, koricito, koraata araito katitijikin.

Aswamisio 15:11 Konye kiyuunit ebe kitajario kanuka asianut naka Ejakait Yesu, kwape kakesi.

IRomayon 8:13 naarai arai ijarete atupar akuan, ikotosi atwakare, konye arai kitwataniasi aswamisio nuka akuan kanuka Emoyo, ijarete do.